

ANTONII GVIDI  
EPISCOPI TRAGVRII  
DE PONTIFICE MAXIMO  
POST OBITVM INNOC. IX.  
DELIGENDO  
AD AMPLISS. S. R. E. CARD.  
O R A T I O.

Habita in Basilica Vaticana IIII. Idus Ianuariae  
Anno M D X C II.



*SUPERIORUM PERMISSU.*

Romæ, Apud Vincentium Accoltum, In Burgo.

*Vide Thomæ*

*de ead. materia p. totum*

ANTONI  
S ANCTISSIMO

IN CHRISTO PATRI  
ET D. NOSTRO

D. CLEMENTI PAPAE VIII.

DE LINDO  
Antonius Episcopus Tragurij S.



Andeo cum felicitati inorum temporum tua praesentia mea,  
cum Dei providentia, & omnium non modo Cardinalium,  
sed generis, & dignum & Matrem consensu summus pontifi-  
catus tibi vel invito, & repugnanti delatus sit, cuius ego  
exemplum in oratione de Pontifice Maximo diligendo pro-  
ximis comitis a me habita potissimum letatio sum. Atque  
huius rei locupletissimus mihi testis est Ludovicus Archiepiscopus Montis  
Regalis, vir optimus, & ornatissimus, qui mihi secum, ut sit, de Cardina-  
libus agenti, quos tanto oneri pares esse iudicaret, cum multa alia, tum il-  
la de te pluribus memoravit, quae ego postea tanquam es, qui futurus Pontifex  
esset, per necessaria in hac oratione breviter perstrinxi: Quam & his literis  
adunxi, ut haberes & honorum de tua virtute indicium, quod Deus tam feli-  
ci exitu comprobavit, et a me si non expressam, at a iumentatam saltem animi  
effugium tui. Et tu quidem genus humanum ea pietate, & sapientia guber-  
nabis, quam in te summam esse omnes fatentur. Nos vero Deum precari  
non desinamus, qui sanctissimis tuis optatis, atq. consiliis benigne respondeat,  
& te nobis in orationem, & benevolentem diutissime servet.




ANTONIUS TRAGURJENSIS

ANTONIUS TRAGURJENSIS

Antonius Tragarjensis

Antonius Tragarjensis





# ANTONII GVIDI

EPISCOPI TRAGVRII

DE PONTIFICE MAX. DELICENDO

O R A T I O.



llum fuit vnquam tempus P. A. cum de maturanda Summi Pontificis electione cogitandum fuerit, nunc profecto illud est, quo Ecclesia Dei tot calamitatibus premitur, amissis intra paucos menses summis Pōtificibus quatuor, qui singuli si diutius vixissent, labantes Christianæ Reip. partes constituere, & Ecclesiam in veterem maiestatem, auctoritatemq. restituere potuissent. Audiuius parentum nostrorum memoria Pium I. I. meminimus plerique nostrum Marcellum I. I. (vt vetustiores omittam) quorum alter intra vigesimum sextum, Marcellus vero intra tertium & vigesimum diem mortuus est. Verumtamen quia illud incommodum multis annis interiectis acceptum est, minus forrasse dolendum fuit. At quod tam exiguo spatio, tot continuatis funeribus Ecclesia Dei suo sponso orbata fuerit, hoc vero nobis est multo luctu, & lacrymis prosequendum. Nam quo tempore malorum hominum audacia non solum seueritate iudiciorum, sed armis vindicanda; summa iamdiu ingrauescentis annonæ caritas, & inopia subleuanda: multitudo pauperum tanta, quantam nūquam in vrbe vidimus, alenda, & sustentanda: proximæ ciuitates & prouinciæ partim domesticis seditionibus, & latronum incursibus afflicta; par-

tim veterē are alieno, & nouis sumptibus oppressa, recte an-  
da, & liberanda erant: nobis semper fuit, & nunc etiam  
est, qui tot rebus subueniat, toties repetitis comitis no-  
uus Pontifex requirendus. Iam Gallia quanto in discimi-  
ne posita sit, quis ignorat? Quod Regnum Christianissimum,  
nobilissimumque, & turbulentis huius sanctæ Sedis tempo-  
ribus propugnaculum quondam, & perfugium certissimum,  
cum vestra fide, & auctoritate nitatur, a vobis in tantis æ-  
rumnis deserui non est æquum. Imminent eius fortunæ Bri-  
tanni: nec leuius illi periculum a Germanis. Præterquam  
quod plures eius filij, relictis maiorum institutis, eius viscera  
crucliter discerpunt, atque dilaniant. Nam hæreticos,  
quo genere hominum nihil nocentiùs, nec veræ religioni in-  
stius quicquam inueniri potest, audita sanctæ Sedis viduitate,  
quibus gaudiis exsultare, quanta piis hominibus pericu-  
la moliri credendum est? Urget ex altera parte immanissi-  
mus Christiani nominis hostis Turca, quem in tam pertur-  
bato Christianæ Reip. statu, tantæ rerum mutatione quietu-  
rum esse verisimile non est. His tot, tantisque incommo-  
dis mederi, non solum prouidentia vestræ, sed potestatis est,  
P. A. Quod ipsum expeditissimum erit, si nobis quam-  
primum Optimum Pontificem dederitis. Cuius rei nihil est  
quod à me præcepta, aut monita expectetis. Quis enim ego  
sum, qui tantam rem in grauissimo hoc, & sapientissimo  
totius orbis terrarum consensu, vel præstare me posse putem,  
vel audeam profiteri? Satis mihi esse debet, si quod facere  
præcones solent, ut in enunciandis Principum placitis, vo-  
sum tantum vocis adhibeant, itidem ego cum amplissimi or-  
dinis vestri iussu hunc locum ascenderim, vestros item sen-  
sus de hac ipsa re, & optimæ mentis cogitata quoquo mo-  
do proferre possim. Cæterum quod vestri muneris est, P.  
A. vos ipsi pro summa vestra sapientia optime perspicietis,  
cum a vobis Pontificem deligendum esse, qui clauum tan-  
ti nauigij tenere, qui sauentes fluctus vel declinare pru-  
denter, vel excipere fortiter noverit, nec horribiles monstro-  
rum occurrentium formas, atque impetum perimescat:  
idem-

idemque sacerdotio Melchisedech, potestate Petrum, vntione Christum iure, ac merito repræsentet: quique non modo vniuerso orbi terrarum præsit, sed ipsi pene cælo leges imponat, vti scilicet, quod ab eo in terris statutum fuerit, id in cælo quoque ratum habeatur. Quæ cum ita sint, profecto intelligitis, quanto hæc dignitas, atque potestas cæteras omnes antecellit, tanto eum, qui à vobis deligendus est, inter omnes mortales meritis præstare debere; ac propterea summam in eo diuinarum, humanarumque rerum scientiam, egregias virtutes, auctoritatem maximam requiri. Et certe quod ad scientiam attinet, nihil est, quod quisquam putet, hanc rerum vniuersitatem absque maximarum rerum cognitione recte administrari posse. Itaque Salomon auspiciis Regni initurus; cum sibi à Deo optio data esset, quæ mallet, petendi, nihil ille potius, quam sapientiam optauit, vt pote quam sibi ad regendos populos maxime opus esset arbitraretur. Quæ res tanto magis in eo requirenda est, qui non vni Regno, sed vniuerso orbi terrarum est imperaturus, præsertim cum ab Ecclesia Romana, quæ cæterarum omnium Ecclesiarum princeps est, parens, atque magistra, ex omnibus partibus responsa petantur. Et, vt virtutes etiam attingamus, quanta sanctitate, & innocentia debet esse is, qui bene viuendi, & recte agendi exempla aliis daturus sit. Neque enim ipsum satis est nulli reprehensioni esse obnoxium, maius aliquid ab hoc, & excelsius expectatur, vt lumen aliis præferat, vt errantes in viam reducat, vt Deum propter peccata iratum, atque inensum populo suo placare, & reconciliare possit. Prudentia vero eundem hunc omnibus superiorem esse debere, vel ex hoc perspicui potest, quod incidunt persæpe causæ, in quibus si prudentia caret is, qui gubernationi præest, omnia in præceps ruant, necesse sit. Non consilium ex re capere, non opportunitates idoneorum ad agendum temporum, non quid eligendum, reiiciendumue sit, intelligere potest, omnia timet, omnia circumspicit, quicquid increpauerit, perhorrescit. Fortem præterea, atque magnanimum, humanarumque rerum contemptorem oportet esse eum, qui

in Petri



in Petri solio collocandus sit. Alioqui quo pacto is lupos vel aperta vi gregem inuadentes, deterrere, vel occulte insidiantes, cauere poterit? Nonne is omnem illam maiestatem, atque amplitudinem, quam nobis veteres Pontifices per exempla virtutum reliquerunt, vel propter metum, vel propter cupiditatem funditus euertet? Atque iccirco eundem vultum, eandem frontem semper habere, non prosperis tolli, non frangi aduersis, non subitis commoueri, magnum est hoc fortis, & constantis animi argumentum. Harum virtutum præsidio cum multos alios, tum Liberium Pontificem ita munitum fuisse accepimus, vt Constantium Augustum exilium sibi minitantes, nisi sententiæ cui-dam in concilio Tyri congregato contra sanctum Athanasium latæ subscriberet, adeo non sit veritus, vt in exilium proficisci maluerit, quam ex quadam animi deiectione contrarius, atque æquum innocentissimo viro tantum dedecus, & damnum inferre: idemque pecuniam sibi ab Imperatore oblatam eadem altitudine animi reiecit, atque contempsit. Verumtamen rursus in Petri Successore mansuetudo, & charitas, atque affabilitas desideratur: nam eo quoque nomine Moyses & Dauid in sacris litteris commendantur. Magna est cuiusuis Principis, & præsertim Christi Vicarij laus, cui propositum sit, vt ad eum etiam infirmis hominibus aditus pateant, ipseque eorum preces, & querimonias audiat, iniurias vindicet, miseras consoletur. Quis infirmatur, inquit Apostolus, & ego non infirmor? quis scandalizatur, & ego non vror? Hoc qui animo erit, eundem quoque spes est præcipue curaturum, vt Episcopos, aliosque sacri ordinis viros ex longinquis partibus ad urbem accedentes, libenter accipiat, benigne audiat, & iustis eorum desideriis, ac precibus satisfaciat. Sed & illud vobis P. A. persuasum esse existimo, ei, qui Petri cathedram adscensurus sit, summam auctoritatem maxime esse necessariam, quæ utique magna quædam est hominum de præstantibus, alicuius viri virtutibus, existimatio, & opinio. Hanc, si summus Pontifex habeat, certissimum sit



fit, ipsum cum praelara alia multa efficere posse, tum inter  
dissidentes interdum Principes benevolentiam iungere, &  
iniquorum conatus posse comprimere. Quamuis enim sum-  
ma sit, sicuti est, huius sanctæ Sedis auctoritas, atque ma-  
iestas, tamen, quemadmodum, si quis equitandi imperi-  
tus, generosum, & quantiuis precij equum ascenderit, pe-  
riculum sit, ne deiiciatur: ita summi Apostolatus vene-  
ratio, & amplitudo prorsum ei ad existimationem confert,  
qui recte gubernandi artes non teneat. Hac auctoritate  
inter alios multos præditum fuisse ex vetustioribus sanctum  
Leonem I. legimus, ex recentioribus sanctæ memoriæ Pium  
V. nos ipsi vidimus. Quorum alter Athilam Hunnorum  
Regem maximis collectis copiis Italiæ fines ingressum, &  
huius Urbis euertendæ studio inflammatum, cum illi occur-  
risset, ita vel oratione leniuit, vel præsentia coercuit, vt  
abiecto tam pernicioso consilio, exercitum reducere, & re-  
dire in Pannoniam coegerit. Pius vero V. cum Princeps  
Turcarum, comparata ingenti classe, non solum Italiæ,  
sed & cæteris Christiani orbis partibus immineret, tantum  
apud Principes auctoritate valuit, vt inter Philippum Hispa-  
niarum Regem Catholicum, & Inclytam Venetorum Remp. in  
eas leges, quas ipse voluit, foedus inierit. Quo factum est,  
non solum vt hostes a ceruicibus nostris depulsi, sed ita ad  
Naupactum fracti sint, vt vix decimus quisque tantæ cladi  
superfuerit. Atque eam victoriam non nostris classibus, aut  
militibus, sed potissimum sancti viri precibus a Deo concessam  
esse, vel confessione hostis expressum est. Plura me de  
hac re loqui, nec amplissimi ordinis vestri grauitas patitur;  
nec pudor meus. Vos, enim, & qua de re conuenistis, &  
quid præstari a vobis debeat, pro singulari vestra intelli-  
gentia optime omnium nostis. At, quando ad hanc rem  
obtendam sancti Spiritus opem, & gratiam, vetere Ec-  
clesiæ instituto implorandam esse censuistis, agite, obse-  
cro vos, P. A. per eandem Spiritus sancti gratiam, vt  
res ipsa precationi vestræ respondeat, & simultatibus, si quæ  
inter

inter vos, ut homines, sunt, non in tempus dilatis, sed  
 in æternum depositis, non priuatas spes, non offen-  
 siones huc afferendas, sed rem sanctam, sancte  
 quoque administrandam, & consentien-  
 tibus animis in commune con-  
 sulendum esse exi-  
 stimate.

L A V S D E O.



R O M A E.

Ex Typographia Aloysij Zannetti. 1592.